

Christopher Bennett imenovan za novog šefa Ureda OHR-a u Banja Luci



Visoki predstavnik Valentin Inzko imenovao je Christophera Michaela Bennetta za novog šefa Ureda OHR-a u Banja Luci. G. Bennett će preuzeti dužnost 27. jula 2009. godine. Bennett će na ovom mjestu zamijeniti Ivana Bušniaka, koji je dužnost šefa OHR-a u Banja Luci obavljao od 1. septembra 2007. godine.

G. Bennett je stručnjak za pitanje Bosne i Hercegovine i duže od decenije je profesionalno angažiran u regionu, uključujući i period od juna 2006. godine do septembra 2007. godine kada je bio na poziciji direktora komunikacija OHR-a. Od maja 2000. godine do juna 2006. godine gospodin Bennett je bio urednik časopisa *NATO Review*; od 1996. godine do 1999. godine je bio politički analitičar te zamjenik direktora Međunarodne krizne grupe, gdje se posebno posvetio pitanjima Balkana.

Christopher Bennett tečno govori bosanski/srpski/hrvatski jezik, slovenački, engleski i francuski jezik te poznaje španski, njemački i ruski jezik. Oženjen je i ima dvoje djece.

Prilikom imenovanja g. Bennetta na mjesto šefa Ureda OHR-a u Banja Luci, visoki predstavnik je zahvalio g. Bušniaku na poslu koji je obavljao za OHR te za njegov doprinos implementaciji Dejtonskog mirovnog sporazuma u Bosni i Hercegovini.